

16  
DISSERTATIO INAUGVRALIS MEDICA  
DE

R V B E O L I S

QVAM

AVSPICE DIVINO NUMINE

EX DECRETO

GRATIOSAE FACVLTATIS MEDICAE  
PRAESIDE

D. N. CAROLO AVGVSTO DE BERGEN

MED. DOCT. ET PROF. PVBL. ORD. h. t. FAC. MED. DECANO  
HAEREDITARIO IN ROSENGARTEN

PRO GRADV DOCTORIS

SVMMISQVE IN MEDICINA HONORIBVS ET PRIVILEGIIS  
LEGITIME IMPETRANDIS

IN AVDITORIO MAIORI

PVBlico ERVDITORVM EXAMINI

SVBMITTIT

AVCTOR ET RESPONDENS


IOHANNES FRIDERICVS BEDA

FALCKENBVRCO-NEO-MARCHIVS.

---

AD DIEM XI. NOVEMBRIS MDCCLII.

---



FRANCOFVRTI ad VIADRVM

TPIS IOHANNIS CHRISTIANI WINTERI, ACAD. REG. TYPOGR.

DESSERTATION

V. B. I. V. I.

1911

1911

1911

1911

1911

1911

1911

1911

1911

1911

1911



VIRO

GENEROSISSIMO ET SUMME REVERENDO

DOMINO

GEORGIO BALTHASARI  
DE BORCKE

COPIARVM REGIARVM BORVSSICARVM  
CENTVRIONI ORDINIS IOHANNITICI EQVITI ET  
DESIGNATO COMMENDATORI PRAEFECTV-  
RAE LIETZENSIS

HAEREDITARIO IN FALCKENBVRG ET GERSDORFF

RELIQVA

DOMINO AC FAVTORI SVO OPTIMO  
OMNIQVE PIETATE DEVENERANDO

*DISSERTATIONEM HANC INAUGVRalem*

*d. d. d.*

AC SE SVAQVE DE MELIORI COMMENDAT

AVCTOR ET RESPONDENS


IOHANNES FRIDERICVS BEDA

FALCKENBVRGO NEO-MARCHICVS.

Digitized by the Internet Archive  
in 2019 with funding from  
Wellcome Library

<https://archive.org/details/b30783914>





Q. F. F. Q. S.

§. I.

Historiam morborum utilissimam esse medicinae partem nemo facile ibit inficias, cui perspetum est, curam vnus cuiusque morbi tumultuarie sine eiusdem cognitione sufficienti, quoad signa, causas, et symptomata suscipi et adornari. Eo certius ergo laudem merentur, meritam consequuntur, qui in morbi haftenus, aut nondum plenarie descripti, aut per fragmenta duntaxat penes auctores commemorati, natura et indole indaganda sedulam collocant operam. Quae cum ita sint, mearum esse partium duxi, ad praxin clinicam propediem accessurus, speciminis inauguralis loco tale seligere argumentum, quod nec nimis tritum, nec adeo sublime, vt captum excederet meum, nec ab officii, quod palam professurus sum, ratione nimis alienum foret. Quam itaque diu mecum animo volui dicendi materiam, morbus est exanthematicus, pueris imprimis familiaris, quem vulgo *rubeolas*, *die Ritteln* vocant, morbus non quidem oppido lethalis, qui tamen nihilominus seriam contem-



plationem poscit, quo certius est stragem puerorum, si epidemice grassatur, ipsi in acceptis ferendam esse.

## §. II.

*Rubeolarum* nomine medici intelligunt exanthemata rubra, erysipelatis indolem referentia, ope febris plus minus acutae ac continuae ad cutem propulsa, quae figura, colore, magnitudine, duratione morbi, copiosa desquamatione, a morbillis, purpura miliari, febre vrticata, aliisque exanthematicis adfectibus sese distinguunt.

## §. III.

In etymologiam inquisiturus existimo neotericos medicos hoc vocabulum, quod Romanis erat incognitum introduxisse, quodque sine dubio a verbo *rubere*, vel substantiuo *rubor*, quam bona vel mala auctoritate, meum non est disquirere, suam trahit originem, cuiusque mentionem iam apud DAN. SENNERTVM a) legi. Neque vniuersaliter adeo hunc terminum receptum vidi, qui in omnium medicorum scriptis occurreret, quin potius apud Italos nomen *Rossaliae* vel *Rossaniae* inualuerit. Sunt tamen inter hodiernos, qui rossaliam a rubeolis iterum distinguunt, ut pluribus infra patebit. Sic et alii ad erysipelatis indolem pressius attendentes *Rosulas* appellarunt morbum. Aliis audit *purpura infantum*, a qua tamen me iudice suo iure distinguendus venit. In verbis autem nummorum valorem habentibus, cum facilem se praebere oporteat, mihi perinde est, quo nomine salutentur rubeolae, dummodo nihil omittam, quod ad pleniorum earundem historiam attinet. Germani vocant hic locorum *die Ritteln*, sed perperam, ut mihi videtur, cum potius ob intensum, quo stipantur ruborem, *die Rötheln* vocandae sint.

## §. IV.

a) Lib. de febribus p. m. 512.



§. IV.

Totius morbi decursum probe perpendenti mihi, tria, quibus decurrit tempora, hic obseruanda sunt, nempe *tempus inuasionis*, *tempus efflorescentiae*, et *tempus desquamationis*, quae communibus aequae ac propriis signis se manifestant.

§. V.

Cum signis inuasionis (§. 4.) ita comparatum est, ut pleraque communia sint cum reliquis febribus exanthematicis, nec nisi ex genio imperantis morbi specialem suam indolem fortiantur. Diuidi autem possunt in ea, quae ante febrim adsunt, et in ea, quae febrim concomitantur. Priora sunt torpor totius corporis, dolor grauatius capitis, dorsi, et pedum *b)*, catarrhus et tussis cum oppletione pectoris *c)* et rhoncho, cum perpetua in somnum procliuitate *d)*. Febre, eaque sat valida successiue superueniente calor increscit molestus cum adpetitu deiecto *e)*, inquietudine summa *f)*, oculorum pene lacrimantium hebetatione *g)*, deliriis *h)*, capitis dolore vertiginoso *i)*, aliquando cum pauoribus sub somno et narium haemorrhagia *k)*.

§. VI.

Tertio vel quarto a febris inuadentis (§. 5.) die prorumpunt sparsim maculae dilute rubentes et flammeae, rosarum instar igneae naturae, eo fere ritu, quo morbilli, sensim tamen his ipsis vberius se diffundentes, nam cum morbus ad *ἀγμὴν* peruenit, corpus quasi ignitum apparet *l)*.  
Cre-

*b)* Bressl. Sammlungen Mens. Mai 1722. p. 456. *c)* ibid. 1718. p. 31. DAN. SENNERT. l. c. *d)* OL. BORRICHIVS Act. Hassn. Vol. Vto p. 153. *e)* I. N. PECHLINI obseruat. Hamb. 1691. in 4. p. 251. *f)* O. BORRICH. l. c. *g)* ibid. et Bressl. Sammlungen 1722. p. 456. *h)* O. BORRICH. l. c. *i)* Hist. morbor. Vratislav. 1702. p. 38. *k)* Bressl. Sammlungen 1718. p. 456. *l)* Hist. morb. Vratislav. l. c.



Crediderim vero, si fides habenda scriptoribus, quae utique habenda, pro natura et indole miasmatis rubeolarum pro-  
ruptionis modum et formam pustularum quodammodo inter  
se differre, maxime si diuersis temporibus grassatur morbus.  
Sic O. BORRICHIVS *m)* vniuersam cutim sparsam vidit  
maculis latis, oppido rubentibus, quae circa finem eiusdem  
diei in vnum coeunt omnes, adeo, ut corpus totum quasi pul-  
uere granorum chermes videatur perfriktum, sola facie a ru-  
bore isto liberiori. Alio tempore et loco sparsim coeuntes  
pustulae non totum corpus, sed dorsum et regionem pecto-  
ris, nec non pedes et manus occupant, latissimam macu-  
lam efformantes *n)*. In aliis rursum ista ἐρυθρήματα non sta-  
tim in vniuerso corpore, sed variis locis sese ostendunt, et  
plerumque in carpo manifestiora sunt *o)*, quod ipsum quo-  
que collectores Vratislavienses *p)* obseruarunt, ex latis ma-  
culis, cutim circa carpos instar sarciminis circumambientis at-  
tolentibus. Nonnulli practicum obseruarunt denique co-  
piosissimum pustularum prouentum esse circa mentum, col-  
lum, in lingua et faucibus.

## §. VII.

Ipse pustulae constantem adeo formam non seruant  
quouis tempore et loco, quin aliquando tantisper a se rece-  
dant. Igneam ipsarum naturam O. BORRICHIVS (§. 6.)  
comparat pulueri granorum chermes cuti attrito. SENNER-  
TO *q)* vocantur pusilla tubercula rubea cum calore et tussi,  
mihi sub exiguorum erysipelatum forma visae sunt papulae.  
Aliis ignitae apparent cum vix effatu digno tumore *r)*.  
Saepe haec exanthemata alicam densissime cuti inspersam re-  
ferunt cum fundo purpureo, in cuius medio pustula lymph-  
tica apparet, aliis aderant magnae et protuberantes, ternari-  
um

*m)* l. c. *n)* Hist. morb. Vratislav. 1701. p. 24. *o)* I. N. FECH-  
LIN. l. c. *p)* 1718. p. 32. *q)* l. c. *r)* Hist. morb. Vrat. l. c.



um circuitu superantes maculae *s*), in quibusdam iterum in superficie cutis rubicundissimae, nil nisi minimae pustulae densissime sparsae, et in statu morbi fere milii granum superantes apparent *t*), et semel notatum legi quasdam ex his pustulis suppurasse *u*).

### §. VIII.

A termino eruptionis pustulae per tres vel quatuor dies in eodem perseverant statu, donec septimo vel octavo die declinare incipit aegritudo, imminuto calore, cutis rubedine, et maculis, quae antea quasi omnes confluerant, iterum distincte apparentibus, tandem cuticula squamatim decidit *w*), cutisque pristinum nitorem recuperat. An vero nullus exanthematicus et febrilis existat adfectus, in quo tam copiosa desquamatio, quam in rubeolis? pro certo non dixerim, cum mihi constet, febrim miliarem albam sub copiosissimis squamulis deciduis valedicere.

### §. IX.

Toto ceteroquin morbi decursu, imprimis, si grauioris indolis fuerit, vehementer adfligit sitis, adsunt vigiliae, adurit calor vehemens, alius segnis admodum, adpetitus prorsus languet, vrina flammea ac rutilans, pulsus celer et durus est, membra, imprimis facies et brachia tument, aliis copiosus sudor, aliis sudor et halitus oris foetidus *x*). In leuiori morbi gradu cuncta symptomata sunt remissiora, aegri vix per duos tresue dies lecto sunt affixi, prorumpentibus papulis calor cessat et alacres sunt.

### §. X.

Propter insignem diuersitatem symptomatum, pro grauiori, vel leuiori morbi gradu medici rubeolas diuidunt

B

in

*s*) Bresl. Sammlungen 1718. pag. 32. *t*) ibid. 1722. pag. 456.  
*u*) ibid. *w*) Hist. morb. Vrat. ibid. *x*) Bresl. Sammlungen 1722. p. 456.



in *benignas* et *malignas*, quarum posteriores ex obseruatione Dom. Praesidis adfectus anginosos y) paucorum dierum spatio funestos post se relinquunt, aliorum vero testimonio, praeter superuenientes aphthodaeas, inflammatorias, conge-  
stiones, febris miliaris rubra vel alba simul complicatur z). Communiter si malignus fuerit morbus, contagiosus quoque audit, non vero dixerim contagium hic semper cum malignitate pari passu ambulare, quippe obstat obseruatio I. N. PECHLINI a) cuius de rubeolis benignis sequentia sunt:  
„Sed quid dicam de exanthematum genere, quod morbil-  
„lorum specie totos saepe terrarum tractus infestat, et ante  
„hos sex annos, quod, quando superior mihi Germania cum  
„principe persona decurrenda, Palatinatum et Sueuiam oc-  
„cupabat, cuique tributum ipse quoque cum plerisque iti-  
„neris sociis pendere debebam. Leuiculus erat ille morbus  
„*Rötheln* nomine notus, qui nullo habito sexus et aetatis di-  
„scrimine promiscue omnes inuadebat. Paucissimis erat fu-  
„nestus, aliquos diem, biduum, triduum, lecto affigebat, pleros-  
„que tamen molestia quadam et calore paulo intensiore, ad-  
„petitu deiecto et membrorum segnitie multabat, quae spon-  
„te a sumto sudorifero cessabant.

## §. XI.

Praeterea notandum est rubeolas (§. 2.) pro genio re-  
gnantis epidemicae constitutionis non semper solas inuade-  
re, sed nunc morbillis interspergi, nunc sanatis variolis su-  
peruenire b), nunc seorsim incedentes purpura rubra com-  
plicari c).

## §. XII.

Ad plenariam morbi cognitionem conducit quoque re-  
cen-

y) *Commerc. litter. Norimb.* 1736. p. 100. z) *Bresl. Sammlungen* 1722. p. 137. a) l. c. b) D. SENNERTVS l. c. c) *Bresl. Sammlungen* l. c.



cenſere criteria, quibus ab aliis ſimilibus morbis exanthematicis differunt rubeolae (§. 2.). A *variolis* itaque differunt grauiori febre, diuturniori decubitu, noua iterum febre circa vndecimum diem accenſa, puſtulis denique pus formantibus et cicatrices relinquentibus. Imo licet variolae dentur benignae adeo indolis, vt infantes neutiquam decumbentes vix aegrotare videantur, tamen puſtularum natura, et morbus in plures dies protractus, ſat discriminis largitur. *Variolae ſpuriae*, die *Windpocken* (*petite verole volante*) ſe diſtingunt a rubeolis puſtulis maioribus, aquoſis, haud adeo confertis, nec confluentibus, nec totam cuticulam ita inflammantibus. *Morbilli*, qui puſtularum rubedine et natura eryſipelacea, reliquiſque ſignis inuaſionis (§. 5.), nec non exitu in adfectus anginoſos cum rubeolis conueniunt, ab his differunt, quod non vna continuata rubedine cuticulam perfundant, puſtulae magis ſint vniformes, et albicantem, ac ſi farina conſperſa eſſet, cuticulam relinquant. Hoc etiam ſingulare habent, quod illis debito quamuis tempore euaneſcentibus febris, tuſſis, respirandi difficultas, increſcat.

### §. XIII.

*Purpura rubra* eaque *ſcorbutica* omni caret febre, huic autem, quae ſociata eſt, raro ſeptem vel nouem dierum ſpatio decurrit, et puſtulas habet rubras, vix totum corpus, ſed maxime collum, peſtus, brachia et femora occupantes. *Febris miliaris alba*, morbus oppido grauis et malignus, adultos magis, quam infantes adoriens, puſtulis magnis, lympham continentibus, et inſtar margaritarum pellucetibus, diuturniorique mora ſe facile diſtinguit a rubeolis. *Febris urticata*, die *Neffelſucht*, eſt quaſi noua purpurae ſpecies, quae ſub difficultate ſpirandi, et quadam praecordiorum anxietate, ſpecioſos in cute flores pingit purpureos, late ſe diffundentes, non compreſſos, aut planos, ſed elatos, puncturis et ardoribus ab urtica adſines, quaeque praeter pruritus non habet ſaeua ſymptomata. *Febris ſcarlatina*, das *Scharlach-Fieber*



*ber*, medicis quoque distinguitur a rubeolis (§. 2.), maiori cutis aspredine, quae siccitas et aspredo cutis quibusdam *d*) pathognomonicum signum est, quo a rubeolis dignoscitur, maiori rubedinis intensitate et diffusionem per totam corporis cuticulam, a capite ad calcem, ut patientium externus aspectus referat ideam cocti astaci *e*), denique grauiori morbi indole, cum circa finem vel aphthodeo-inflammatoriae congestiones in faucibus *f*), vel metastasis materiae ad articulos extremorum cum vehementi dolore sequantur, vel ex mali ferocia pedes intumescant, vel hypochondria tumida relinquantur, subsecuto tumore abdominis et hydrope *g*). Tandem rubeolae (§. 2.) non sunt confundendae cum *roseolis saltantibus* M. A. SEVERINI *h*), quae sunt tubercula fabae magnitudinis, seu verae epinyctidae Graecorum.

#### §. XIV.

At enim vero, si descriptionem febris scarlatinae sedula meditatione perpendo, quam primus dedit accuratissimus TH. SYDENHAMVS *i*) sequentibus verbis: „(Scarlatina febris, licet nullo non tempore possit incidere, ut plurimum tamen exeunte aestiuo se prodit, quo quidem, integras familias, infantes vero prae ceteris infestat. Rigent horrentque sub initio, ut in aliis febribus - - neque vehementer admodum aegrotant, postea cutis uniuersa maculis paruis rubris interstinguitur, crebrioribus certe, et multo latioribus, magis rubentibus, at non perinde uniuersis formibus, ac sunt illae, quae morbillos constituunt. Ad duos tresue dies persistunt hae maculae, quibus demum evanescentibus, decedenteque subiecta cuticula, restant furfuraceae quaedam squamulae ad instar farinae corpori insper-

*d*) Hist. morb. Vratilav. 1702. p. 38. *e*) Act. Med. Berol. Dec. I. Vol. II. p. 20. *f*) D. SENNERT. I. c. et Act. Med. Berol. ibid. *g*) Hist. morb. Vratilav. ibid. *h*) de recondita abscessuum natura p. 385. *i*) Operum med. p. 260.



„spersae, quae ad secundam, aut tertiam vicem se promunt, „conduntque vicissim) non aliter iudicare licet, nisi rubeolas et febrem scarlatinam SYDENHAMI esse re vera vnum eundemque morbum, febrem autem scarlatinam Germanorum a Scriptoribus Hist. morb. Vratislaviensium, Act. Med. Berolinensium, et Collect. Vratislaviensium recensitam, esse pariter rubeolas, sed maioris vehementiae gradu saeuientes, et ob febris intensitatem, pluribus adhuc symptomatis stipatas.

### §. XV.

Vtrumque (§. 14.) me probare posse arbitror. Et quidem, quod primum attinet, febrem scarlatinam SYDENHAMI nihil aliud esse, nisi rubeolas: certum est, SYDENHAMVM primum huius nominis inuentorem esse, nec alicubi in scriptis suis rubeolarum mentionem facere, deinde quoque ouum ouo similis esse nequit, quam est descriptio febris scarlatinae SYDENHAMI, et rubeolarum benignarum historia, quam porro leuem morbum esse scribit, pueris familiarem, et quo omnes fere, nullo regiminis et diaetae vitio commisso, eluctati sunt. Neotericos vero, sub nomine febris scarlatinae intellexisse rubeolas, maiori febris et symptomatum intensitate stipatas, palam imprimis fit relatione medici cuiusdam Liuoniensis de purpura epidemica infantum in Liuonia 1720. grassante, et sequentibus verbis *k)* descripta. „Inuadebat haec purpura in quibus- „dam infantibus cum horripilatione, sequenti die aderat fe- „bris, pulsus celer, frequens, prorumpente sensim purpura, cu- „tis coccineo colore perfusa erat cum aliquali in nonnullis as- „peritate, vt in morbillis fieri solet. Per tres quatuorue „dies efflorescentia persistebat, et glandulis colli ac faucium „peruiis manentibus, quod quippe in pueris robustis con- „tingit, morbus sine aliis symptomatibus ad finem propera-  
B 3 „bat,

*k)* Bresl. Sammlungen 1721. p. 42.



bat, nisi quod postliminio, adpetitu restituto, inflatio abdominis, faciei, extremorum, imo totius corporis habitus anasarcodes fuerit subsecutus, elapsis aliquot septimanis sponte euanescebat - - qui autem tumentibus glandulis colli, parotidibusque corripiebantur delirabant, imo fatiscedebant - - quo asperior porro cutis, eo magis durabant, exanthemata, et eo grauior morbus etc.. Ex qua descriptione huius morbi nunc grauius, nunc leuius affligentis, quicquid, qui praeiudiciis et auctoritate non laborat, satis videt, morbum hunc leuiori gradu in quibusdam pueris grassantem, eundem fuisse cum rubeolis, grauius autem alios infantes affligentem eadem symptomata cum febre scarlatina recentiorum habuisse. Satis itaque me conuictum esse existimo, rubeolas duplici sub facie homines adoriri, et in casu maioris malignitatis, practicis sub specie noui cuiusdam morbi imponere. Ruet proin eorum neotericorum sententia, qui existimant, rossalias Italorum non esse rubeolas (§. 2.) sed febrem scarlatinam, vt taceam ipsos rossalias pro satis graui et periculoso morbo habere, consulenti autem PROSP. MARTIALEM l) patebit rossalias esse puerorum morbum satis leuem, omni periculo carentem, adeoque rubeolis benignis simillimum.

## §. XVI.

Praeuideo autem fore plerosque, qui hoc meum de rubeolis et febre scarlatina iudicium temeritatis infimulabunt, quum tot viris in arte claris, cum primis sententiae in scholis medicis receptae, obloqui sustineam, sed quid dixerint quaeso, si in medium protulero viros celeberrimos, de variolis et morbillis, morbis mihi affatim discrepantibus, eandem propemodum sententiam fouentes. Sic Cl. inquit ETMULLERVS m) variolas et morbillos non nisi secundum

l) Comment. ad libros epid. Hippocratis pag. 245. m) Doctrina. Pr. Lib. I. c. 15.



dum maius et minus differre, et Cl. DOLAEVS *n*) morbillos, rossalias, roseolas siue rubeolas esse synonyma. Salua tamen res est, et victas porrigam manus, quamprimum me quispiam certiozem reddiderit signi cuiusdam pathognomonici perpetui, quo quiuis horum adfectuum constanter dignosci potest.

### §. XVII.

Hisce paucis praelibatis, a vero aberrare vix putem, si dixerò erysipelas pustulosum et sparsuum P. LOTTICHI *o*), quo mercator febre maligna laborans correptus est; volaticam, quam RAYGERVS *p*) descripsit; variolas sic dictas aureas VIT. RIEDLINI *q*); febrem scarlatinam Edimburgensium cum angina complicatam *r*); similem febrem scarlatinam morbillis Edimburgi 1735 grassantibus sociatam *s*); fuisse adfectus, aut prorsus eosdem cum rubeolis, aut hisce admodum adfines.

### §. XVIII.

Prognosis ex his, quae haecenus dicta sunt de morbi nostri natura et indole, facili negotio formatur, si quis ad statum benignitatis vel malignitatis sedulo attendit. Rubeolae quippe benignae, vtpote breuioris decursus leuiculum constituunt morbum, qui prorupto exanthemate, pueros a plerisque in tantum molestis symptomatibus prorsus liberat, vt quatuor vel sex dierum spatio iterum alacres fiant, et pristinae sanitati restituantur. Imo, si et pueri magis aegrotant, et papulae in proruptione magis tergiuersantur, praeter inquietudines, et auctam morositatem, catarrhique ad pectus crescentem quasi adfluxum non saeua obseruantur symptomata.

*n*) Encyclopaedia med. p. 428. *o*) Obseruat. med. obs 84.  
*p*) THEOPH. BONETTI medicinae septent. Tom. II. p. 226. *q*) Lin. med. an. 1695. p. 387. *r*) Act. Med. Edimburg. Vol. IV. *s*) ibid. Vol. V. P. I. pag. 30.



ta. In rubeolis autem malignis, et vbi circa declinationem affectus anginosi et aphthodeae congestiones imminet, de vita periclitantur pusilli. Vbi vero febris huius rubeolaceae tanta est intensitas, vt tota cuticula, sub stasi inflammatoria aspera et sicca fiat, et sic dictam Germanorum febrim scarlatinam constituat, praeter periculum, quod a congestione ad fauces redundat, ex metastasi ad extremitates, vel inflationibus et tumoribus abdominis, ceu peruersis naturae crisibus, aut lenta morte pereunt, aut aegerrime restituuntur.

### §. XIX.

In aetiologia huius morbi inquirendae sunt causae antecedentes, seu praedisponentes aeque ac proximiores. Quod priores attinet, cum practici febrium omnium exanthematicarum, epidemice et cum contagio grassantium, aerem agnoscant auctorem, vero est simile quoque nostri adfectus causas externas et remotiores in atmosphaerae constitutione quaerendas esse. Difficile autem dictum est, cuius indolis et naturae sint particulae, quae cum aere per respirationem, cibum ac potum ita nostris miscentur humoribus, vt tandem totam sanguinis massam inficiant. Nemo quippe mortalium adhuc dum reuelauit naturam et genium molecularum, quae in aere dispersae, pestem, aut variolas, aut morbillos producant, sic et nullibi relatum legi, cuius progeniei sit materia, quae rubeolas epidemice grassantes producit, quantacunque vero tenebrarum in his caligine obfuscata sit cognitio humana, hoc tamen certum est, primos horum adfectuum natales fluido aereo, in quo viuimus, tribuendos esse.

### §. XX.

Quantocyus itaque hoc, cuiuscunque indolis sit miasma, humoribus viui corporis est exceptum, natura omnes intendit vires, hoc ipsum, aucto circulatorio motu, ad periph-



phariam corporis expellere. Deferri autem id ad penetralia corporis, cordis et pulmonum sanguinem, anxietates praecordiales, inquietudines (§. 5.), imo et animales actiones laesae satis comprobant. Causa itaque efficiens horum exanthematum est vis vitae, siue aucta circulatio, sordes istas ex interioribus ad peripheriam corporis propellens. Fluctuans igitur intra circulantes humores miasma, non prius fixam sedem acquirit, quam proruptione facta, vbi tunc lymphatico latici copulatum in vasis cutaneis haeret subsistitque, hic vero, vel propter suam spissitudinem, vel vasculorum cutaneorum constrictionem perspirare nequit, sed morem nectens, poros cuticulae opplet, et intercuticulam et cutim, ad finem vasorum exhalantium coaceruat, eamque eleuando a cute separat, sicque sui generis papulas et maculas efformat. Hallucinantur autem, qui sedem huius et alterius leuioris axanthematis, in ipsa cuticula ponunt, quae vasculis prorsus destituta, hanc praeternaturalem excretionem in se recipere nequit. Insignem quoque partem huius miasmatis, non in istiusmodi papulas formari, sed continuata perspiratione in auras auolare, contagium satis docet, quod non aliunde prouenit, nisi ab aere conclauium aegrotantium clauso, atque hoc miasmate magis magisque impraegnato et saturo. Siccae, salinae, et terrestres naturae esse hos humores exanthemata formantes, totius morbi natura ac decursus comprobat, qui non in pustulas suppurantes, sed in successiuam desquamationem transit, quo ipso simul liquet, in auras auolante lympham per transpirationem, residuam manere partem terrestrem et salinam, spiculis suis antiquam epidermidem lacerantem. Aephagiam puerorum quidam huius morbi causas adnumerant, quod tamen ideo non dixerim, quoniam non omnes voraces sunt pueri, non omnes peruersa vtuntur diaeta; rubeolae autem instar morbillorum et variolarum epidemice grassantur, et promiscue omnes infantes, siue voraces sint, siue minus, siue laudabilem, siue peruersam seruent dietam, corripiunt. Haud tamen



tamen inficior, voraces et repletos grauius adfici posse hoc morbo.

## §. XXI.

Curatio prae aliis morbis exanthematicis nihil sibi vindicat peculiare, sed ob adfinitatem causae ferme cum morbillis coincidit, atque adeo in promouenda libera transpiratione per diaphoretica fixa, et absorbentia marina consistit, cui fini pulueres ex lapidibus cancror., conch. citratis, antimonio diaph., specif. cephal. D. Michaelis, puluer. bez. Senert. alb., qui, vel per se, vel sub forma potiuncularum ad morem Syluianarum paratarum, cum aquis flor. til., flor. samb., card. bened. scorzon., flor. acaciae, admisto conuenienti syrupo propinari possunt. Aut etiam loco horum emulsiones ex sem. citr. card. bened. amygdal. dulc., cum aqua galeg. flor. samb. fiunt, quibus praedicti pulueres excipiuntur. In regimine temperatus calor magis proficiuus est, quam anxia puerorum sub stragulis et lectis detentio. Denique si pustulae sub eruptionis negotio tergiuersantur, et nunc prorumpunt, nunc iterum retrocedunt, nihil obstat, quo minus aegrotis, vna vel altera vice, mixturam alexipharmacam ex ess. pimp. alb., scord., alexipharm. Stahl., et spirit. nitr. dulcis exhibeamus. In casu maioris malignitatis praedictis pulueribus camphora admisceri, vel seorsim cum largiori nitri depurati dosi propinari potest. Venaesectio, ceu sinistrum hic auxilium negligenda potius est, imprimis, si de malignitate constat. Aphthis simul adparentibus, emulsio ex semine bardanae interne praestat, ad externos vsus autem ex aqua ligustri, melle rosato, et tantillo nitri paratur mixtura, quae lintheolis mollibus excepta, labris, linguae, buccis singulis bihoriis affricatur, vt crusta aphtosa soluiatur. In casu superuenientis anginae ancipiti patiens premitur periculo, medicina medicos fere destituyente. Nisi aucta diaphoresi per lenia alexipharmaca, aut retuso inflam-

ma-



mationis feruore, per vaporem calentem aceti sambucini, rosarum et aquae stillatitiae sambuci infundibulo exceptum, et assiduo haustum cum deglutitione et loquela eat breui in melius, de vita actum est. An vero et hic integris nationibus tantopere celebratus fatus ex nido chlorionis, qui ipsis probatum contra omnes tumores colli et faucium existit *ευπρίσων*, applicandus foret? nihil hic ego experientia propria destitutus, decernere audeo.

## §. XXII.

Possem hic meo de rubeolis specimini finem imponere, nisi vnica superesset quaestio, quae hunc morbum respicit, quam intactam relinquere nolo. Plerique nempe hodiernorum medicorum existimant rubeolas esse morbum prorsus nouum, veteribus plane incognitum, pauci admodum in contrarias eunt partes. Quaeri itaque posset, vtri harum partium calculus adiiciendus sit? equidem ambabus largior manibus novos exoriri morbos antea non visos, testem habeo A. C. CELSVS *w)* ita differentem: „incidere noua morborum genera in quibus nihil adhuc vsus ostenderit. Sed an ideo etiam rubeolae nouum constituent ex sequentibus patebit. Certum est HIPPOCRATIS in scriptis nullibi occurrere terminum qui praecise per rubeolas, roseolas vel rubores verti possit, sed sub nomine *εξανθήματων, ἐρυθρήματων, ἐκθύματων*, omnis generis exanthemata, siue duntaxat maculas, siue pustulas constituent, comprehendit. Quidni ergo sub horum nominum significatu intellexerit morbillos, rubeolas, reliquosque adfectus epidemicos infantibus familiares, quinimo, quas DVRETVS, LINDANVS EX HIPPOCRATE vertit aspredines, non exanthemata febrium malignarum comites, sed rossaliam putat esse PR. MARTIANVS *x)*. Praeterea et A. C. CELSVS *y)*, ubi de variis pustulis loquitur,

C 2

*w)* In praefatione ad lib. de re medica. *x)* Lib. epid. Sect. III. v. 20. *y)* Lib. V. Cap. XXVIII.





tur, haec habet: „Pustularum varia genera sunt, nam modo  
 „circa totum corpus, partemque aspredo quaedam fit, si-  
 „milis his pustulis, quae ex vrtica vel sudore nascuntur.,  
 Et iterum z) „distat autem ab ea, quia magis exulcerata est,  
 „et variis similes pustulas habet, videntur que esse in ea quasi  
 „bullulae quaedam, ex quibus interposito tempore squamu-  
 „lae resoluntur.,. Quis vero ex his non perspicit C E L S O his  
 in locis partim de purpura, morbillis et rubeolis, partim de fe-  
 bre vrticata sermonem esse? Clarius recentioribus temporibus,  
 et vbi medici Arabes florere discimus ex W E R L H O F I O a)  
 „Arabes sub nomine *hhazba* seu *alhazba*, *Hhumrach* seu *alhum-*  
 „*rah* intellexisse morbum benignum, inter variolas et mor-  
 „billos medium, qui iudice I N G R A S S I A *com. ad Auicen.*  
 „*de tumoribus* L. I. p. 194. et teste C O N R I N G I O *Diff. de va-*  
 „*riolis et morbillis* §. 4. rossaliam Italorum, vel rubeolas  
 „Germanorum constituit. Locus est apud A V I C E N N A M  
 L. IV. Fen. I. Tr. IV. C. 6. sub finem.,. Quae verba, si  
 cum versione b) H A L Y A B B A S confero: „est species, inquit,  
 „aliqua, quae vocatur rubeola, quae ex sanguine fit calido  
 „et subtili, non multum malo, et haec species cum ad sta-  
 „tum peruenerit, similis fit milii granis, aut paulo maior, nec  
 „aperiuntur pustulae sed fluunt.,. Non aliter iudicare pos-  
 sum, quam morbillos et rubeolas, purpuram et febrim  
 vrticatam antiquis medicis non omnino fuisse incognitas, se-  
 cus vero se habere cum variolis et febre miliari alba, quarum  
 priores ad apertis transmarinis commerciis ex contagio; po-  
 sterior vero ex immoderato aromatum et potus Coffe usu  
 apud Europaeos invaluit.

### T A N T V M.

- z) Lib. V. ad finem. a) De variolis et anthracibus pag. 63.  
 b) Lib. VIII. theoric. C. XIV.











**B**EDA suum nomen TIBI qui concessit, idemque  
Annuat a fera posteritate decus.

His paucis  
Praenobilissimo Candidato  
prospera quaevis ex animo precatur  
Praefes

CAROLVS AVGVSTVS DE BERGEN

M.D. et P. P. O. Facult. Med.

h. t. Decanus.



**B**EDA dive, dive BEDA,  
Tuque dive Apollo noster,  
Si probatis hunc calorem,  
Quo novum orno Candidatum,  
Et venusta Candidati,  
Oro, semper hunc tegatis, ut perenne floreat.  
Floreat, voletque in omni  
Arce, rure et angiportis,  
Aegri ubi rubente flamma  
Pallidove cinctu onusti,  
Luridi vel purpurati,  
Gratulentur huic Galeno vir, puella, nuptaque.

N. W.

Post





**P**ost varios casus, post tot discrimina rerum,  
 Difficilesque vices,  
 Tandem ad vota venis, tandem, Doctissime BEDA,  
 Laeta tropaea locas!  
 Hoc cecini quondam (nec sic ego vatis honores  
 Posco tamen) memori:  
 Perfer et obdura, dicens; nam, tristia quae nunc,  
 Grata aliquando fluent.  
 Omnia virtuti cedunt. Caelestis Hygaea  
 En TIBI dextera adest,  
 Sudoresque TVOS spectat, daphnesque merentis  
 Nescit honore caput.  
 Artes TEQUE iubet posthac agitare salubres,  
 Et fugitare febres.  
 Hinc honor, hinc latae furget TIBI gloria famae,  
 Surget opumque seges.  
 Quae quando euenient, fac ne de pectore nostri  
 Excidat altus amor.

Honores Academicos in scientia salutari summos  
 per publicam doctissimae diatribae defensionem  
 capeffenti gratulabatur

M. MART. GEO. CHRISTGAV, R.







Sertis quem nitidis ὕγιαίνη cingit, AMICE,  
 Accipe nunc meritis praemia digna TVIS.  
 Scilicet assiduos arti sacrasse labores,  
 Quam probat hoc specimen TE didicisse, iuuat.  
 Egregios properes aegris producere fructus,  
 Egregius saluum TE quoque fructus alat.

Praenobilissimo ac Dignissimo in arte salutari  
 Candidato prosperos quosque conatum  
 successus apprecans scripsit

M. IOANNES GOTTHARD NERGER

Lyc. Viadr. Subrektor.



Hvgaea schenkt Dir heut zum wohlverdienten Lohne  
 Für Deinen steten Fleiß die heilige Lorberkrone.  
 Ich wünsche Glück darzu; der Himmel steh Dir bei,  
 Und mache, daß Dein Ruhm stets unverwelklich sei.

Diese wenige Zeilen schrieb zum Angedenken  
 des Herrn Candidaten

Friedrich August Cartheuser.

Med. Cand.

